

	<h1>SLUŽBENE NOVINE OPĆINE GORAŽDE</h1>	
<p><b>Godina VI</b></p>	<p><b>04. decembar 2013. godine GORAŽDE</b></p>	<p><b>Broj 9</b></p>

**1101**

Na osnovu člana 38. stav 1. Zakona o prostornom uređenju i građenju Bosansko-podrinjskog kantona Goražde, ("Službene novine Bosansko-podrinjskog kantona Goražde", broj:15/09 i 04/13) i člana 18. i 84. Statuta općine Goražde, ("Službene novine Bosansko-podrinjskog kantona Goražde", broj: 13/07), Općinsko vijeće općine Goražde, na **12.** redovnoj sjednici, održanoj dana 28.11. 2013. godine,  
**d o n o s i:**

**O D L U K U**  
**o pristupanju izrade izmjena Regulacionog plana  
„Obarak“ Goražde**

**Član 1.**

Ovom Odlukom pristupa se izradi izmjena Regulacionog plana „Obarak“ Goražde.

**Član 2.**

Granica obuhvata izmjena Regulacionog plana „Obarak“ Goražde čine granice Regulacionog plana „Obarak“, usvojenog Odlukom o usvajanju i provođenju Regulacionog plana „Obarak“ („Međuopštinski službeni glasnik Sarajevo“ br.19/74 i 25/77).

Površina obuhvata RP iznosi 28 hektara.

**Član 3.**

Nosilac priprema za izradu izmjena Regulacionog plana „Obarak“ Goražde je Načelnik općine Goražde putem Službe za prostorno uređenje i komunalne poslove.

Nosilac izrade navedenog plana bit će odabran u skladu sa odredbama Zakona o javnim nabavkama u Bosni i Hercegovini („Službeni glasnik BiH“, broj:49/04 i 19/05).

**Član 4.**

Regulacioni plan će biti izrađen u skladu sa metodologijom i pozitivnim zakonskim propisima koji se odnose na izradu dokumenata prostornog uređenja.

Izmjene RP treba da sadrže u grafičkom dijelu:

- prikaz postojećeg stanja iz urbanističke osnove sa postojećom namjenom površina, katastarskim parcelama, nadzemnim i podzemnim objektima i instalacijama i sl.,
- granice prostorne cjeline sa namjenom površina,
- za individualnu izgradnju plan parcelacije sa numeracijom parcela,
- razmještaj, orjentaciona namjena objekata, vertikalni gabariti i orjentacioni horizontalni gabariti,
- regulacione i građevinske linije, u skladu sa Zakonom o prostornom uređenju Bosansko-podrinjskog kantona Goražde,
- nivelacioni podaci,
- saobraćajna, komunalna i energetska infrastruktura na nivou idejnih rješenja (pješački i kolski saobraćaj, regulacija voda, vodovodna i kanalizaciona mreža, TT mreža i dr.),
- objekti predviđeni za rekonstrukciju, sanaciju i konzervanciju,
- tretman zelenih površina na nivou idejnih rješenja i
- da učestvuje u javnoj raspravi, te pripremi odgovor na primjedbe i sugestije.

**Tekstualni dio Regulacionog plana treba da sadrži:**

1. Izvod iz urbanističke osnove,
2. Projekcija izgradnje uređenja prostorne cjeline,
3. Odluka o provođenju izmjena Regulacionog plana.

**Član 5.**

Regulacioni plan se donosi za period od pet godina od dana objavljivanja u Službenim novinama.

**Član 6.**

Sredstva za izradu Plana bit će obezbjeđena iz sredstava koja se nalaze na računu za posebne namjene općine Goražde.

**Član 7.**

Rokovi izrade Regulacionog plana su:

- Pribavljanje analitičko- dokumentacione osnove i idejno rješenje.....30 dana,
- Izrada prednacrt i utvrđivanje nacrt ..... 90 dana,
- Javna rasprava ..... 30 dana,
- Izrada prijedloga R.P..... 30 dana,
- Razmatranje i usvajanje Plana..... 30 dana,

**Član 8.**

Ova Odluka stupa na snagu osmog dana od dana objavljivanja u „Službenim novinama općine Goražde“.

Broj:01- 02- 2- 4912

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković

**1102**

Na osnovu Zakona o principima lokalne samouprave u Federaciji Bosne i Hercegovine, član 13. i člana 25. („Službene novine Federacije Bosne i Hercegovine“ br. 49/06) , na osnovu člana 18. i člana 84. Statuta općine Goražde („Službene novine Bosansko-podrinjskog kantona Goražde“ br. 13/07), a u skladu sa Anexom VIII Daytonskog sporazuma i Konvencije za zaštitu svjetskog kulturnog naslijeđa (paragraf 123), Općinsko vijeće općine Goražde na 12. redovnoj sjednici, održanoj 28.11.2013. godine, donosi

**O D L U K U O USVAJANJU PLANA  
UPRAVLJANJA ZA SERIJSKU  
MEĐUDRŽAVNU NOMINACIJU NEKROPOLA  
SA STEĆCIMA**

**Član 1.**

Usvaja se Plan upravljanja za serijsku međudržavnu nominaciju nekropola sa stećcima. Plan upravljanja je sastavni dio dokumentacije nominacionog fajla za upis u Listu svjetske baštine UNESCO-a. (Prilog: Plan upravljanja)

**Član 2.**

Realizacija ciljeva i zadataka utvrđenih Programom upravljanja, u dijelu koji se odnosi na općine, za narednih pet godina se planira u sklopu godišnjih programa rada općine Goražde, a sredstva za realizaciju se osiguravaju iz općinskog budžeta.

**Član 3.**

Svi razvojni, urbanistički, provedbeni, ekonomski planovi i druga planska dokumentacija općine Goražde se na mogu usvojiti, ako isti nisu u skladu sa rješenjima utvrđenim Planom upravljanja.

**Član 4.**

Općina Goražde se obavezuje da, po upisu Serijske međunarodne nominacije nekropola sa stećcima na Listu svjetskog naslijeđa, odnosno Nacionalnog spomenika Historijsko područje – nekropola sa stećcima na lokalitetu Hrančići (Gošić Polje), imenuje osobu za lokalnog upravitelja (*site manager*), i istom omogućiti pohađanje neophodne obuke do 2020. godine.

Planom upravljanja trebaju se osigurati sljedeći uslovi:

- Izvršiti arheološka istraživanja pomoću geo-fizičkih radova radi utvrđivanja eventualnog arheološkog lokaliteta,
- Izvršiti geološka istraživanja radi utvrđivanja stanja vegetacije u i oko nekropole,
- Obezbijediti naučne, tehničke i administrativne mjere za zaštitu, konzervaciju i prezentaciju nekropole stećaka,
- Izraditi plan sanacije nekropole koji podrazumijeva njeno uređenje.

**Član 5.**

Nakon obuke upravitelj bi trebao preuzeti sljedeće obaveze:

- Redovno održavanje nekropole (košenje samoniklog rastinja 1-2 x godišnje);
- Redovni monitoring stanja nekropole (vizuelni pregled stanja nekropole i eventualnih oštećenja stećaka- odnošenje stećaka, razbijanje, grafiti, prirodne nepogode);
- Izvještavanje Koordinacionog odbora i entitetske Službe zaštite naslijeđa o rezultatima monitoringa, odnosno eventualnim oštećenjima stećaka.

**Član 6.**

Općina Goražde, putem lokalnog upravitelja, jedanput godišnje, učestvuje u radu Kooordinacionog odbora za BiH, a prema potrebi i više puta, ukoliko Koordinacioni odbor za BiH sazove vanredni sastanak.

**Član 7.**

U svrhu provođenja Plana upravljanja, općina Goražde saraduje sa nadležnim organima vlasti i institucijama, a posebno sa Koordinacionim odborom za BiH.

**Član 8.**

Ova odluka stupa na snagu osmog dana od objavljivanja u „Službenim novinama Općine Goražde“.

Broj : 01- 02- 2- 4913

Goražde, 28.11.2013. g.

**PREDSJEDAVALA VIJEĆA**

Jelena Mirković

**1103**

Na osnovu člana 18. i 84. Statuta općine Goražde ("Službene novine BPK-a Goražde", broj: 13/07), i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu općine Goražde ("Službene novine općine Goražde", broj: 06/12), Općinsko vijeće Goražde na 12. redovnoj sjednici, održanoj dana 28.11.2013. godine **d o n o s i**:

**O D L U K U**

**o davanju u zakup poslovne prostorije u vlasništvu općine Goražde, Udruženju "Roditelj" Bosansko-podrinjskog kantona Goražde**

**Član 1.**

**Općina Goražde** neposrednom pogodbom daje u zakup na određeno vrijeme, na rok od 5 godina, poslovnu prostoriju površine 30 m<sup>2</sup> u ul. 43. drinske brigade br.8. u Goraždu, Udruženju "Roditelj" Bosansko- podrinjskog kantona Goražde, radi rješavanja njihovog sjedišta.

**Član 2.**

Visina zakupnine za poslovnu prostoriju iz člana 1. ove Odluke utvrđuje se u iznosu od 0,50 KM/m<sup>2</sup> + PDV, što ukupno mjesečno iznosi 17,55 KM (30 m<sup>2</sup> x 0,50 KM = 15,00 KM x 17 % PDV 2,55 = 17,55 KM).

**Član 3.**

Ovlašćuje se Načelnik Općine da zaključi Ugovor o zakupu poslovne prostorije iz člana 1. ove Odluke, kojim će se regulisati bliža prava i obaveze ugovornih strana po osnovu zakupa.

**Član 4.**

Ukoliko općina Goražde sa licem iz člana 1. ne zaključi Ugovor o zakupu ove poslovne prostorije, u roku od 30 dana od dana stupanja na snagu ove Odluke, ista prestaje da važi.

**Član 5.**

Obavezuje se budući zakupac da redovno plaća režijske troškove (struja, voda, kanalizacija i dr.) koje budu potraživale ovlaštene organizacije i institucije po osnovu predmetne poslovne prostorije.

**Član 6.**

Ova Odluka stupa na snagu osmog dana od dana objavljivanja u "Službenim novinama općine Goražde".

Broj:01- 02- 2- 4911

Goražde, 28.11.2013. godine

**PREDSJEDAVALA VIJEĆA**

Jelena Mirković

**1104**

Na osnovu člana 38. stav 1. Zakona o prostornom uređenju i građenju Bosansko-podrinjskog kantona Goražde, ("Službene novine Bosansko-podrinjskog kantona Goražde", broj:15/09 i 04/13) i člana 18. i 84. Statuta općine Goražde, ("Službene novine Bosansko-podrinjskog kantona Goražde", broj: 13/07), Općinsko vijeće općine Goražde, na 12. redovnoj sjednici, održanoj dana 28.11. 2013. godine, **d o n o s i**:

**O D L U K U**

**o pristupanju izrade izmjena i dopuna Regulacionog plana „Poda“ Goražde**

**Član 1.**

Ovom Odlukom pristupa se izradi izmjena i dopuna Regulacionog plana „Poda“ Goražde.

**Član 2.**

Granica obuhvata izmjena i dopuna Regulacionog plana „Poda“ Goražde čine granice:

Granica počinje na tromedi parcela 4069,1871 i 1870 u ul. 22. maj ide uzvodno potokom cca 400 m, dolazi do tromede parcela 1298/1, 1298/5 i 1293/1, nastavlja sjeverozapadnom granicom k.č. 1298/5, 1294/16, južnom i zapadnom granicom k.č. 1293/3, zapadnom i sjevernom granicom k.č. 1293/4, presjeca k.č. 1294/44, dolazi do tromede parcela 1294/40, 1294/43 i 1294/44, lomi pod uglom 90 stepeni, nastavlja u pravcu sjevera i zapada granicom k.č. 1294/40, lomi pod uglom 90 stepeni, nastavlja sjevernom granicom k.č. 1294/40, 1294/12, 1294/41, 1284/2, dolazi do tromede k.č. 1276, 1284/1 i 1285. Nastavlja u pravcu sjevera, putem označenim sa k.č. 1285, dolazi do potoka tromeda k.č. 1282, 1279/1 i 1285. Lomi pod uglom 90 stepeni, nastavlja nizvodno potokom u dužini cca 175 m, dolazi do tromede k.č. 131/2, 1271/1 i 132. Lomi pod uglom 90 stepeni, nastavlja sjevernom granicom k.č. 131/2, 131/9, 131/8, 131/7, 131/6, lomi pod uglom 90 stepeni, nastavlja u pravcu sjevera cca 10 m, produžava u

pravcu sjeveroistoka, putem označenim sa k.č. 1199 cca 40 m, lomi u pravcu istoka u dužini od 170 m, dolazi do tromede parcela 1198, 1194/1 i 1197. Nastavlja u pravcu istoka sjevernom granicom k.č. 1194/1, presjeca potok, dolazi do tromede k.č. 1194/1, 1192/4 i 1195/18, lomi pod uglom 90 stepeni, nastavlja zapadnom granicom k.č. 1192/4 i 1187, nastavlja sjevernom granicom k.č. 1187, 1189/1, 1198/2, lomi pod uglom 90 stepeni i ide u pravcu sjevera zapadnom granicom k.č. 1195/10. Lomi pod uglom 270 stepeni, nastavlja sjevernom granicom k.č. 1195/10, 1195/9, 1195/11, zapadnom i sjevernom granicom k.č. 1195/2, sjevernom granicom k.č. 1138 ( put). Lomi pod uglom 90 stepeni i ide zapadnom granicom k.č. 1143/5, nastavlja u pravcu istoka, sjevernom granicom k.č. 1143/5, 1143/9, 1143/10 i 1137, dolazi do tromede k.č. 1137, 1134 i 101. Lomi pod uglom 90 stepeni, ide zapadnom i sjevernom granicom k.č. 101, sjevernom i istočnom granicom k.č. 1133, sjevernom granicom k.č. 1122, 1124, istočnom granicom k.č. 1124, dolazi do magistralnog puta Goražde- Ustiprača, dvomeđa k.č. 1124 i 4069. Lomi pod uglom 270 stepeni, nastavlja u pravcu zapada magistralnim putem u dužini 1000 m, dolazi do početne tačke tromede parcela 4069, 1871 i 1870 gdje i završava.  
Površina obuhvata RP iznosi cca 25 hektara.

### Član 3.

Nosilac priprema za izradu izmjena i dopuna Regulacionog plana „Poda“ Goražde je Načelnik općine Goražde, putem Službe za prostorno uređenje i komunalne poslove.

Nosilac izrade navedenog plana bit će odabran u skladu sa odredbama Zakona o javnim nabavkama u Bosni i Hercegovini („Službeni glasnik BiH“, broj: 49/04 i 19/05).

### Član 4.

Regulacioni plan će biti izrađen u skladu sa metodologijom i pozitivnim zakonskim propisima koji se odnose na izradu dokumenata prostornog uređenja.

Izmjene i dopune RP treba da sadrže u grafičkom djelu:

- prikaz postojećeg stanja iz urbanističke osnove sa postojećom namjenom površina, katastarskim parcelama, nadzemnim i podzemnim objektima i instalacijama i sl.,
- granice prostorne cjeline sa namjenom površina,
- za individualnu izgradnju plan parcelacije sa numeracijom parcela,
- razmještaj, orjentaciona namjena objekata, vertikalni gabariti i orjentacioni horizontalni gabariti,
- regulacione i građevinske linije, u skladu sa Zakonom o prostornom uređenju Bosansko-podrinjskog kantona Goražde,
- nivelacioni podaci,

- saobraćajna, komunalna i energetska infrastruktura na nivou idejnih rješenja (pješački i kolski saobraćaj, regulacija voda, vodovodna i kanalizaciona mreža, TT mreža i dr.),
- objekti predviđeni za rekonstrukciju, sanaciju i konzervaciju,
- tretman zelenih površina na nivou idejnih rješenja i
- da učestvuje u javnoj raspravi, te pripremi odgovor na primjedbe i sugestije.

### Tekstualni dio Regulacionog plana treba da sadrži:

1. Izvod iz urbanističke osnove,
2. Projekcija izgradnje uređenja prostorne cjeline,
3. Odluka o provođenju izmjena Regulacionog plana.

### Član 5.

Regulacioni plan se donosi za period od pet godina od dana objavljivanja u Službenim novinama.

### Član 6.

Sredstva za izradu Plana bit će obezbjeđena iz sredstava koja se nalaze na računu za posebne namjene općine Goražde.

### Član 7.

Rokovi izrade Regulacionog plana su:

- Pribavljanje analitičko-dokumentacione osnove i idejno rješenje.....30 dana,
- Izrada prednacrtu i utvrđivanje nacrtu ..... 90 dana,
- Javna rasprava ..... 30 dana,
- Izrada prijedloga R.P..... 30 dana,
- Razmatranje i usvajanje Plana.....30 dana,

### Član 8.

Ova Odluka stupa na snagu osmog dana od dana objavljivanja u Službenim novinama općine Goražde.

Broj:01- 02- 2- 4910

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković

### 1105

U skladu sa članom 123. Poslovnika Općinskog vijeća općine Goražde («Službene novine općine Goražde», broj. 2/08), Općinsko vijeće općine Goražde, na 12. redovnoj sjednici, održanoj dana 28.11.2013. godine,

**d o n o s i:**

**ZAKLJUČAK**

1. Usvaja se Izvještaj o realizaciji Zaključaka sa prethodne 11. redovne sjednice Vijeća.
2. Zaključak stupa na snagu danom donošenja, a bit će objavljen u „Službenim novinama općine Goražde“.

Broj: 01- 05- 1- 4914

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković

**1106**

U skladu sa članom 123. Poslovnika Općinskog vijeća općine Goražde («Službene novine općine Goražde», broj. 2/08), Općinsko vijeće općine Goražde, na **12.** redovnoj sjednici, održanoj dana 28.11.2013. godine, **d o n o s i:**

**ZAKLJUČAK**

1. Analiza stanja u oblasti zaštite i spašavanja ljudi i materijalnih dobara na području općine Goražde, sa prijedlogom mjera, prima se k znanju.
2. Zaključak stupa na snagu danom donošenja, a bit će objavljen u „Službenim novinama općine Goražde“.

Broj: 01- 05- 1- 4916

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković

**1107**

U skladu sa članom 123. Poslovnika Općinskog vijeća općine Goražde («Službene novine općine Goražde», broj. 2/08), Općinsko vijeće općine Goražde, na **12.** redovnoj sjednici, održanoj dana 28.11.2013. godine, **d o n o s i:**

**ZAKLJUČAK**

1. Informacija o realizaciji Strategije održivog razvoja općine Goražde prima se k znanju.
2. Zaključak stupa na snagu danom donošenja, a bit će objavljen u „Službenim novinama općine Goražde“.

Broj: 01- 05- 1- 4917

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković

**1108**

U skladu sa članom 123. Poslovnika Općinskog vijeća općine Goražde («Službene novine općine Goražde», broj. 2/08), Općinsko vijeće općine Goražde, na **12.** redovnoj sjednici, održanoj dana 28.11.2013. godine, **d o n o s i:**

**ZAKLJUČAK**

1. Općinsko vijeće Općine Goražde u ovom trenutku smatra da nema stvarne potrebe i da nije svrsishodno povećavati broj članova Općinske izborne komisije, iako su ispunjeni uslovi predviđeni odredbama člana 5. Uputstva o utvrđivanju kvalifikacija, broja i imenovanju članova Izborne komisije, osnovne izborne jedinice u BiH, te da i dalje broj članova Općinske izborne komisije općine Goražde ostaje tri (3).
2. Zaključak stupa na snagu danom donošenja, a bit će objavljen u „Službenim novinama općine Goražde“.

Broj: 01-05-1- 4918

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković

**1109**

U skladu sa članom 123. Poslovnika Općinskog vijeća općine Goražde («Službene novine općine Goražde», broj. 2/08), Općinsko vijeće općine Goražde, na **12.** redovnoj sjednici, održanoj dana 28.11.2013. godine, **d o n o s i:**

**ZAKLJUČAK**

1. Prijedlog Odluke o izmjeni Odluke o javnim priznanjima općine Goražde vraća se na doradu.
2. Zadužuje se Odbor za dodjelu javnih priznanja općine Goražde da, u saradnji sa Načelnikom Općine i nadležnom općinskom službom, pripremi novi prijedlog Odluke o izmjenama i dopunama Odluke o javnim priznanjima općine Goražde.
3. Prilikom izrade prijedloga Odluke o izmjenama i dopunama Odluke o javnim priznanjima općine Goražde, Odbor će konsultovati određena udruženja građana, mjesne zajednice i ostale relevantne subjekte kojih se tiče ova Odluka.
4. Rok za realizaciju ovog Zaključka je do 31.03.2014. godine.
5. Zaključak stupa na snagu danom donošenja, a bit će objavljen u „Službenim novinama općine Goražde“.

Broj: 01- 05- 1- 4915

Goražde, 28.11.2013. godine

**PREDSJEDAVAJUĆA VIJEĆA**

Jelena Mirković



**SADRŽAJ**

1101	<b>O D L U K U</b> <b>o pristupanju izrade izmjena Regulacionog plana</b> <b>„Obarak“ Goražde</b>	<b>744</b>
1102	<b>O D L U K U O USVAJANJU PLANA</b> <b>UPRAVLJANJA ZA SERIJSKU</b> <b>MEĐUDRŽAVNU NOMINACIJU NEKROPOLA</b> <b>SA STEĆCIMA</b>	<b>745</b>
1103	<b>O D L U K U</b> <b>o davanju u zakup poslovne prostorije u vlasništvu</b> <b>općine Goražde, Udruženju “Roditelj” Bosanskopodrinjskog</b> <b>kantona Goražde</b>	<b>746</b>
1104	<b>O D L U K U</b> <b>o pristupanju izrade izmjena i dopuna</b> <b>Regulacionog plana „Poda“ Goražde</b>	<b>746</b>
1105	<b>ZAKLJUČCI</b>	<b>747</b>

---

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: sekretar Općinskog vijeća Općine Goražde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.

Štampa **GRAFOMERX** Goražde.